

TAC girêdayî bi wekhevî û hewandinê ye. Em daxwazên hemû hunermendên li Torontoyê qebûl dikin û wan teşwîq dikin, ku kesên li jêr digire nav xwe lê bi wan sînorkirî nîne: Hunermendên reşik, Hunermendên xwecihî, hunermendên reng, hunermendên Kerr, ên astengdar an jî yên ku bi nexweşiyên mental dijîn, hunermendên ku xwe wek 2SLGBTQIAP didin nasîn, hunermendên nûhatî û yên penaber, hunermendên ciwan û yên nû dikevin qadê û hûnermendên ku ji derveyî navenda bajêr kar dikin. Zêdetir hîn bibin ka em çî dikin ji bo ku em TAC bêtir gehînbar û hewînerîr bikin li [Çarçoveya me ya Wekheviyê](#) de

Ev bername piştgiriya çî dike?

Bernameya Rahêneriya Hunermendên Penaber û yên Nûhatî destegê dide hunermendên penaber û yên nûhatî ji bo ku hunera xwe ya pratîkê bi pêş bixin û entegrasyon û hewandina xwe ya li Torontoyê hêsantir bikin. Em kesekî nûhatî wek: koçber an jî penaberê ku ji 7 salan kêmtir li Kanadayê jiyaye; penaber jî wek kesek ku mecbûr maye ji welatê xwe derkeve û niha li Kanadayê bi cih bûye, terfî dikin.

Bername destega pereyê dide hunermendên profesyonel* ên penaber û yên nûhatî ji bo ku di qada xwe ya hûnerê ya bijartî de rahênerî (rêbertî) li wan bê kirin.

Daxwaza rahêneriyê ji aliyê hunermendên penaber û yên nûhatî bi rahênerên wan wek hev-daxwazkar tê radestkirin. Divê hem daxwazkar û hem jî rahêner wek hunermendên profesyonel* bèn terfîkirin.

Hunermendê profesyonel:

- kesek e ku hunera xwe bi perwede û/an jî pratîkê bi pêş xistiye;
- ji aliyê hunermendên din ên di heman qada hunerî de kar dikin wek yekî profesyonel tê naskirin;
- bi awayekî çalak hûnera xwe pratîk dike;
- heqê hunera xwe distîne, û eger ji hêla aborî ve gengaz be dê zêdetir dema xwe bi çalakiya hunerî derbas bike;
- û xwedî dîrokeke pêşkêşiya civakî, weşandin û/an jî hilberînê ye

Tevahiya mîqdara bexşê \$10,000 e.

- \$5,000 rasterast ji hunermendê penaber an jî yê nûhatî re tê dayîn
- \$5,000 rasterast ji rahêner re tê dayîn.

Eger hûn hunermendeke penaber an jî nûhatî bin û hewcedariya we bi peydakirina rahênerê yan jî xizmetên wergerê hebe, ji kerema xwe serî li Liza Mattimore, Gerîndeya Bernameyê, Destpêşxistina Stratejiyê berî 24ê Adarê, 2024, li 416.392.6802 x231 an jî li liza@torontoartscouncil.org.

Proje kengê dikare dest pê bike?

Rahênerî dibe ku beriya 1ê Tîrmehê dest pê nekin. Divê hemû çalakiyên rahêneriyê heta 30ê Pûşpera 2025an bèn timamkirin.

Kî dikare wek Hunermendê Penaber û/an jî Nûhatî daxwazê bike?

- Hunermendên profesyonel ên ku di qadeke hunerî de dixebitin (li terfîa jor binêrin)
- TAC haydar e ku ji ber hin astengên sîstemîk di nav civaka hunerê de (wek derfetên kêmtir ên nasandina sereke ji bo hunermendên civakên ku li pey wekheviyê ne) dibe ku di şîrovekirina krîterên mafdariyê de hinek hêsankarî bê xwestin da ku tecrûbe û naverokên profesyonelîyê bi wekhevî bê

hesibandin. Daxwazkarên potansiyel ên ji civakên li pey wekhevîyê ne tên teşwîqkirin ku mafdariya xwe bi Gerîndeyê Bernameyê nîqaş bikin beriya ku daxwaza xwe radest bikin.

- Daxwazkar divê niştecihên Bajarê Torontoyê bin
- Daxwazkar divê piştî 1-ê Rêbendana, 2017 hatibin Kanadayê
- Daxwazkar divê Welatîyên Kanadî an jî Niştecihên Mayînde bin an jî xwedî daxwaza li benda statuya Neştecihiya Mayînde bin an jî Kesê Parastî bin (penaberê daxwazkerê pejirandî) û, eger bê xwestin, bikarin bi belgeyan wan pesend bikin.
- Daxwazkar divê xwedî SIN bin (Jimareya Sîgorteya Civakî)
- Wergirên berê yê vê bernameya bexşê nikarin daxwazê bikin.
- Xwendekarên lîsansê nikarin serî li vê bernameyê bidin.
- Hunermendên profesyonel ên ku xwendinên lîsansê didomînin nikarin daxwazê li bernameya xwe ya xwendinê têkildarî kar bikin. Nameyek ku ji gerîndeyê bernameya lîsansê wergirtî divê li gel daxwazê bê radestkirin ku tê de binivîse ku proje têkildarî bernameya xwendinê ya xwendekarê lîsansê nîne.

Kî dikare wek Rahêner daxwazê bike?

- Hunermendên profesyonel ên ku di qadeke hunerî de dixebitin (li terîfa jor binêrin)
- Xebatkarên profesyonel ên hunerê gerîndeyên hunerê jî tê de, kurator û hilberînerên ku di qadeke hunerî de dixebitin
- Daxwazkar divê niştecihên Bajarê Torontoyê bin, kêmtirîn 1 sal beriya serdema daxwazê li Torontoyê bijîn û kêmtirîn 8 mehên salê li Torontoyê bijîn û kar bikin.
- Daxwazkar divê Welatîyên Kanadî an jî Niştecihên Mayînde bin an jî xwedî daxwaza li benda statuya Neştecihiya Mayînde bin an jî Kesê Parastî bin (penaberê daxwazkerê pejirandî) û, eger bê xwestin, bikarin bi belgeyan wan pesend bikin.
- Daxwazkar divê xwedî SIN bin (Jimareya Sîgorteya Civakî)
- Xwendekarên lîsansê nikarin serî li vê bernameyê bidin.
- Hunermendên profesyonel ên ku xwendinên lîsansê didomînin nikarin daxwazê li bernameya xwe ya xwendinê têkildarî kar bikin. Nameyek ku ji gerîndeyê bernameya lîsansê wergirtî divê li gel daxwazê bê radestkirin ku tê de binivîse ku proje têkildarî bernameya xwendinê ya xwendekarê lîsansê nîne.
- Rahêner bi tenê serê salê ji bo yek bexşa Rahêneriya Hunermendên Penaber û Nûhatî dikarin wek hev-daxwazkar bînin nîşankirin

Çawa ez ê daxwazê bikim?

Daxwazkar pêwîst e ku bi axivîn li gel Liza Mattimore, Gerîndeyê Bernameyên, Destpêxistina Stratejîyê berî radestkirina daxwazekê. Ji kerema xwe re têkiliyê bi Liza re çêbikin ji bo ku randewûyekê eyar bikin da ku hûn teklîfên xwe pê re nîqaş bikin: 416.392.6802 x 231 an jî liza@torontoartscouncil.org.

Hem daxwazkar (Hunermendî Penaber û/an jî Nûhatî) û hem jî Hev-daxwazkar (Rahêner) divê wek daxwazkarên takekes di TAC Grants Online de bînin qeydkirin <https://tac.smartsimple.ca>. Daxwazkar nikarin navnîşaneke e-mail bi kar bînin ku ji hêla rêxistin an jî têkiliyê kolektîf ve tê bikaranîn.

Daxwazkar pêwîst e di TAC Grants Online de bînin qeydkirin <https://tac.smartsimple.ca> û daxwaza xwe beriya saet 11:59 roja dawî ya daxwazê radest bikin. TAC daxwazan bi çî rêyên din qebûl nake. Hûn ê emaileke teqezkirinê bigirin dema we daxwaza xwe timam kir. Eger email nehatibe qitûya peyaman, dosyeya spam/junk kontrol bikin.

Desteka Gehînbariya daxwazê ji bo Kerran an jî Kesên Xwedî Astengî

Daxwazkarên ku Kerr in an jî astengiyê wan heye û hewcedarê alîkariyê ne ji bo ku daxwazên xwe yê bexşê timam bikin dikarin serî li piştevaniyê bidin ji bo standina mesrefên xwe yê alîkariyê ji Xizmetdarên Xizmeta Alîkariya daxwazê. Her sal heta \$500 ji bo her daxwazkarê xwedî maf tê dayîn. Ji kerema xwe re herî kêm şeş hefte berê dîroka dawî ya daxwazê xwe bigihînin Gerîndeyê Bernameya Bexşê ji bo ku mafdariya xwe teqez bikin, piştevaniya desteka daxwazê bixwazin û pêvajoya pardedanê ji Xizmetdarên Xizmetê bişopînin. Daxwazên desteka daxwazê divê ji aliyê Gerîndeyê Bernameya Bexşê bê qebûlkin.

Divê ez çi amade bikim?

Sê beşên sereke yê daxwaza bexşê ew in: *Agahiyên Rahêneriyê*, *Jiyanname/CV*, û *Materyalên Destekê*.

- Ji kerema xwe li Pêveka pê re binêrin ji bo pirsên derbarê Agahiyên Rahêneriyê
- *Jiyanname/CV* hem ji bo serlêder (Hunermendê Nûhatî û Penaber) û hem jî bo hevserlêder (şêwirmend) tê xwestin, da ku ezmûna xwe ya hunerî berfireh bikin.
- *Materyalê destekê* ji bo pêvajoya nixandîne girîng in. Divê hemû daxwazker mînakên karên xwe yê hûnerî yê demên dawî yê girêdayî rahêneriyê radest bikin. Herî kêm mînakek divê ji 2 sal berê bin. Materyalên destekê ya ji rahêneran li gor xwestinê ye lê bê radestkirin baştir e.
 - *Vîdeo/Deng*: lînkêkê (Vimeo, YouTube û hwd.) û şîfreyê dosyeyê (eger lazim be) bidin. Dosyeyên vîdeo û deng divê ji 3 deqîqeyan zêdetir nebe.
 - *Wêne*: lînkêkê û şîfreyê (eger lazim be) malpera ku wêne lê barkirî ne, bidin. Hûn her wiha dikarin wêneyên JPEG ên karê xwe jî bar bikin. 5 wêne SERÊ beşa Materyalên Destekê tê destûrdayîn, û zêdetirîn jî 15 wêne.
 - *Mînaka Nivîsê*: dosyeyê PDF bar bikin, herî zêde 15 rûpel bi navbera cot-valahîdayî.
- Panela nixandîna bexşê dê 5 deqîqeyan an jî kêmtir veqetîne bo nixandîna materyalên destekê ji bo her daxwazê. Berhem, ji ber vê çendê, dibe ku bi tevahî neyên dîtin. Divê mezinahiya dosyeyan ji 200 MB derbas neke.
- Materyalan bi rêya Google Drive an jî Dropbox radest nekin. Eger hûn profilên xwe yê Facebook an jî Instagramê radest bikin, teqez bikin ku ew hesabên giştî ne.

Daxwaza min çawa tê nixandîn?

- Daxwaz bi rêya pêvajoyê nixandîna serbixwe tî nixandîn: panela serbixwe ya hunermendên li ser kar û xebatkarên hunerê biryar dide ka kîjan daxwaz dê ji bo piştevaniyê bî pêşniyarkirin. Pêşniyariyên piştevaniyê ji aliyê Rêveberên TACê tî qebûlkin.
- Pisporên serbixwe hatine hilbijartin ji ber tecrûbe û zanatiya wan a di sektora hunerê ya Torontoyê de û her wiha ji bo ku temsîliyeta adilane misoger bikin ji bo komên pêşîtiya wekhevîyê yê diyarkirî li gel TACê.
- Daxwaz di asteke hevberdar de tê nixandîn û biryarên piştevaniyê li gorî hebûna piştevaniyê, armancên bernameyê, û krîterên nixandîne yê li jêr tî dayîn:
 - Xasyeta (taybetiya) hunerî ya daxwazê çi ye?
 - Gelo rahênerî dê destekê bide entegrasyona daxwazkar a bi civaka hunerê ya Torontoyê?
 - Gelo dê rahênerî tecrûbeyê bivate bide daxwazkar?
 - Gelo rahêner xwedî tecrûbe û jêhatinan e ji bo vê rahêneriyê?
 - Gelo plana xebatê ya rahêneriyê rasteqîn e?
- Panela nixandîna bexşê dê li armancên hunerî yê her yek daxwazkarî, derdora erdnîgarî û hunerî, çavkaniyên heyî û asta pêşdeçûna hunerî binêre.
- **Krîtera pêşîtiya ya bernameyê**: Ev bername dê pêşîtiyê bide alîkariya hunermendên ku ji ber ku nû hatine û/an jî penaber in di pêşxistina pratîka hunera xwe de û entegrasyona hunerê li Torontoyê astengyan

dibînin.

- Di nav [Çarçoveya Wekheviyê](#) ya TAC'ê de Polîtîkaya Pêşîtiya Wekheviyê heye, ku dibêje eger ji yekê zêdetir daxwazên baş hatine nirxandin ên di dorekê de xwedî heman mafdariyê ne lê piştewaniya bexşê kêr be ji bo hemû namzetên ku vê destekê heq dikin, daxwazên ku xwe wek aidê yek ji komên pêşîfî yên wekheviyê yên Meclîsa Hunerê ya Torontoyê dabîn nasandin an jî di nav van de bin an jî xizmetê didin hunermendên ji wan koman dê pêşîtiyê wergirin.
- Biryarên panela nirxandina bexşê biryarên dawî ne.

Ez ê çawa encamên daxwazan bizanim?

TAC ê ji we re emailekê bişîne dema encam diyar bûn û hûn ê bikaribin bikevin TAC Grants Online ji bo ku encaman bistînin. Agahdarî dê di nav du mehên piştî dîroka dawî ya daxwazê de were stendin.

Eger projeya min biguhere dê çi bibe?

Piştewanî dê bi tenê ji bo armancên ku di kurtayê de hatine behskirin bîn bikaranîn. Guherînên sereke yên plana xebatê ya projeyê divê demildest ji TAC re bîn ragihandin.

Piştî ku min projeya xwe xilas kir ez ê çi bikim?

Ji wergiran tê xwestin ku raporeke dawî ya projeyê amade bikin. Daxwazên pêşerojê dê neyên pejirandin bêyî ku raporên beşxdayîna berê ji hêla TAC ve nehatibin wergirtin û pejirandin.

Ji bo vê bexşê pîvan an jî pêwîstî çi ne?

- Daxwazkarên serkeftî dê Nameya Peymanê wergirin. Nameya Peymanê dê hûrgiliyên şert û mercên bexşê nîşan bide. Nameya Peymanê divê bê îmzekirin û li *TAC Grants Online* bê barkirin beriya ku bexş bikare bê dayîn. Nameya Peymanê her wisa rewşên ku pêwîstî bi paşvegerandina bexşê bibîne jî terfî dike.
- Wergirên bexşê divê desteka Meclîsa Hunerê ya Torontoyê li hemû materyalên nivîskî yên girêdayî çalakiyên ku bexş ji bo vê hatine dayîn kifşe bike. Logoya TAC'ê li ser malpera me ya webê peyde dibe; taybetiyên mezintî û bicihkirina logoyê divê li gor yên tevkarên din be ku alîkariyê aborî ya manendî dabîn kirine. Li şûna logoyê, wergir dikare gotina “bi desteka Bajarê Torontoyê bi rêya Meclîsa Hunerê ya Torontoyê hatiye hilberandin bi kar bîne.”
- Meclîsa Hunerê ya Torontoyê derbasî peredayîna elektronîk bûye. Eger daxwaza we bê qebûlkin, dê ji we bê xwestin ku hûn agahiyên hesabê banqê yê wergirê bexşê bikevinê ku li gor Navê daxwazkar e yê di Nameya Agahdariyê de. Agahiyên banqê jî bi Nameya Peymanê û Pêwîstiyên Nameya Ragihandinê tên radestkirin.
- Bajarê Torontoyê pêwîst dibîne ku hemû rêxistin û takekes divê polîtîkaya dijî-cudahiyê wek şerta girtina bexşê ya ji Bajêr qebûl bikin. Dê ji hemû daxwazkarên serkeftî bê xwestin ku Deklarasyona Qanûngeriya Pêkhatina li Dijî Şepirzekirinê/Cudahiyê û Polîtîkaya Bajêr îmze bikin û radest bikin.
- Wergirên bexşê pêwîst e ku qeydên hesabê xwe yên rekûpêk yên derbarê bexşa ji Meclîsa Hunerê Torontoyê standî bigirin. Formeke T4A dê ji hêla TAC ve bê weşandin ji bo daxwazkarên Takekesî û divê ji bo armancên dahata bacê bê bikaranîn.
- Li gel şert û mercên bexşê yên beriyê hatine behskirin, TAC mafê derxistina şert û mercên din jî derbarê dayîna bexşê li ber destê xwe digire (wek erêkirina cih, bername, çavkaniyên din ên beşxdayîne, û yên din). Şert û mercên taybet ê di Nameya Peymanê de bîn nîşandan.

Zêdetir pirs

Gerîndeya Têkiliya Bernameyê Liza Mattimore

416-392-6802 xeta hundir 231

liza@torontoartscouncil.org

Eger hûn hunermendeke penaber an jî nûhatî ne û hewcedariya we bi peyda kirina rahênerekê yan jî

xizmetên wergerê hebe, ji kerema xwe re xwe bigihînin Liza Mattimore berî 15ê Adara 2024an.

PÊVEK

Pirsên derbarê Hûrgiliyên Rahêneriyê yê di forma daxwazê ya 2021 de:

- 1) Daxuyaniya Hunermend: Pratîka xwe ya hunerî terfî bikin, hunera ku hûn diafirînin û sebaba çima hûn wê diafirînin. Hûrgiliyên tecrubeya çêkirina vê hunerê li welatê xwe û li Kanadayê jî bixin nav.
- 2) Armanç: Serkeftin û zehmetiyên ku we tecrûbe kirine wek hunermendek li Torontoyê terfî bikin. Ew rahênerî dê çawa wan zehmetiyên çareser bike? Ew ê wek hunermendek çawa pêşveçûna we destek bike? Li gorî we ew ê çawa entegrasyona we ya li Torontoyê destek bike?
- 3) Daxuyaniya Rahêner: Hûn çima dixwazin rahêneriya vê hunermendê bikin? Derbarê pratîka wan a hunerî de çi bala we dikîşîne? Bi referansa tecrubeya ku hûn ê bînin vê rahêneriyê, rave bikin hûn çima guncaw in bo vê hunermendê.
- 4) Plana xebatê: Terfî bikin bê ka hûn ê çawa bi hev re bixebitin, bername û plana xebatê ya çalakiyên rahêneriyê jî tê de. Agahiyên wek dîrok û cihê çalakiyan û detayên çalakiyan jî bixin nav.
- 5) Bandordarî: Ev bername ji bo pêşveçûna we, û entegrasyona we li Torontoyê destek bike hatiye avakirin. Bi vê armançê, encamên ku hûn dixwazin pêk bînin çi ne? Çi dê li jiyana we biguhere di dawiya vê rahêneriyê de? Hûn ê tecrubeya rahêneriyeke serkeftî çawa terfî bikin?